

石斷和

湖

腸


詞

附補遺

石

湖

詞



石 湖 詞

附 補 遺

范 成 大 著

叢書集成初編

（補印本）

石湖詞及其他二種

一九三七年六月初版
一九五九年十月補印

商務印書館出版

上海大眾文化印刷廠印刷

石湖詞

吳郡 范成大 致能 著

滿江紅至冬

寒谷春生。薰葉氣。玉簫吹縠。新陽後。便占新歲。吉雲清穆。休把心情。關藥裹。但逢節序。添詩軸。笑強顏。風物豈非癡。終非俗。清晝永。佳眠熟。門外事。何時足。且團圓。同社笑歌相屬。著意調停。雲露釀。從頭檢舉。梅花曲。縱不能將醉作生涯。休拘束。

又

竹裏行廚。來問訊。諸侯賓老。春滿座。彈絲未遍。揮毫先了。雲避仁風。收雨脚。日隨和氣。薰林表。向罇前來訪白髯翁。衰何早。志千里。功名兆。光萬丈。文章耀。洗冰壺。胸次。月秋霜曉。應念一堂塵網暗。故將百和香。雲繞算。賞心。情話古來多。如今少。

又

雨後攜家遊西湖荷花盛開

柳外輕雷。催幾陣雨絲飛急。雷雨過半川荷氣。粉融香浥。弄蘂攀條
春一笑。從教水濺羅衣溼。打梁州。簫鼓浪花中。跳魚立。山倒影。雲
千疊。橫浩蕩。舟如葉。有采菱清些。桃根雙櫂。忘却天涯漂泊地。尊前
不放閒愁入。任碧筩十丈卷金波。長鯨吸。

又

罨畫溪山。行欲遍風蒲還舉。天漸遠水雲初靜。柁樓人語。月色波光
看不足。玉虹橫臥金鱗舞。算五湖今夜只扁舟。追千古。懷往事。漁
樵侶。曾共醉。松江渚。算一作只今年依舊。一杯滄浦。宇宙此身元是客。
不須悵望家何許。但中秋時節好溪山。皆吾土。

千秋歲

重到桃花塢

北城南埭。玉水方流匯。青穢裏。紅塵外。萬桃春不老。雙竹寒相對。回

首處滿城明月曾同載。分散西園蓋。消減東陽帶。人事改。花源在。神仙雖可學。功行無過醉。新酒好。就船況有魚堪買。

浣溪沙

燭下
海棠

傾坐東風百媚生。萬紅無語笑逢迎。照妝醒睡蠟煙輕。采竦橫斜春不夜。絳霞濃淡月微明。夢中重到錦官城。

又

催下珠簾護綺叢。花枝紅裏燭枝紅。燭光花影夜葱蘢。錦地繡天香霧裏。珠星璧月綵雲中。人間別有幾春風。

又

新安驛席
上留別

送盡殘春更出游。風前蹤跡似沙鷗。淺斟低唱小淹留。月見西樓清夜醉。雨添南浦綠波愁。有人無計戀行舟。

又

歎浦錢塘一水通。閒雲如幕碧重重。吳山應在碧雲東。
風淡蕩。半眠宮柳日葱蘢。眼前春色爲誰濃。

此闌或刻入吳
儼竹洲詞悞。

無力海棠

又

元夕後三日。
王文明席上。

寶髻雙雙出綺叢。妝光梅影各春風。收燈時候却相逢。

魚子牋中

詞婉轉。龍香撥上語玲瓏。明朝車馬莫西東。

又

紅錦障泥杏葉羈。解鞍呼渡憶當年。馬驕不肯上航船。
開蓆市。絳裙青袂鬪薑田。臨平風物故依然。

茅店竹籬

又

白玉堂前綠綺疎。燭殘歌罷困相扶。問人春思肯濃無。
浮枕簟。覺來烟月滿琴書。箇儂情分更何如。

夢裏粉香

朝中措

丙午立春大雪。是歲十
二月九日丑時立春。

東風半夜度關山。和雪到闌干。怪見梅梢未暖，情知柳眼猶寒。青絲菜甲，銀泥餅餌，隨分杯盤。已把宜春縷勝，更將長命題旛。

又

身閒身健是生涯。何況好年華。看了十分秋月，重陽更插黃花。消磨景物，瓦盆社釀，石鼎山茶。飽喫紅蓮香飯，儂家便是仙家。

又

繫船沽酒碧帘坊。酒滿勝鵝黃。醉後西園入夢，東風柳色花香。浮天處，夕陽如錦，恰似鱸鄉。中有憶人雙淚。幾時流到橫塘。

又

海棠如雪殿春餘。禽弄晚晴初。倦客長慚杜宇，佳辰且醉提壺。逍遙放浪，還他漁子，輪與樵夫。一棹何時歸去，扁舟終要江湖。

又

天容雲意寫秋光。木葉半青黃。珍重西風祛暑，輕衫早怯秋涼。故
人情分，留連病客，孤負清觴。陌上千愁易散，尊前一笑難忘。

蝶戀花

春漲一篙添水面。芳草鵝兒，綠滿微風岸。畫舫夷猶灣百轉。橫塘塔
近依前遠。江國多寒農事晚。村北村南，穀雨纔耕遍。秀麥連崗桑
葉賤。看看嘗麵收新繭。

南柯子

槁項詩餘瘦。愁腸酒後柔。晚涼團扇欲知秋。臥看明河銀影界天流。
鶴警人初靜。蟲吟夜更幽。佳辰祇合算花籌。除了一天風月更何
求。

又

悵望梅花驛。凝情杜若洲。香雲低處有高樓。可惜高樓不近木蘭舟。

流。
絨素雙魚遠。題紅片葉秋。欲憑江水寄離愁。江已東流。那肯更西

又七
夕

銀渚盈盈渡。金風緩緩吹。晚香浮動五雲飛。月姊妒人顰畫一彎眉。
短夜難留處。斜河欲淡時。半愁半喜是佳期。一度相逢添得兩相
思。

水調歌頭

細數十年事。十處過中秋。今年新夢。忽到黃鶴舊山頭。老子箇中不
淺。此會天教重見。今古一南樓。星漢淡無色。玉鏡獨空浮。斂秦煙。
收楚霧。熨江流。關河離合。南北依舊照清愁。想見姮娥冷眼。應笑歸
來霜鬢。空敝黑貂裘。醺酒問蟾兔。肯去伴滄洲。

又
燕山九

日作

萬里漢家使。雙節照清秋。舊京行遍。中夜呼禹濟黃流。寥落桑榆西
北。無限太行紫翠。相伴過蘆溝。歲晚客多病。風霧冷貂裘。對重九。
須爛醉。莫牽愁。黃花爲我一笑。不管鬢霜羞。袖裏天書咫尺。眼底關
河百二。歌罷此生浮。惟有平安信。隨鴈到南州。

西江月

十月誰云春小。一年兩見紅嬌。

一作風。

人間霜葉滿庭臯。別有東風不

老。

一作雲英此夕度藍橋。人意花枝都好。

百媚朝天淡粉。六銖步月生綃。雲英寂寞倚藍橋。

誰伴玉京霜曉。

一作人間霜葉滿庭臯。別有東風不老。

又

北客開眉樂歲。東君著意華年。遮風藏雨晚雲天。應怕杏梢紅淺。
不惜燈前放夜。從教雪後留寒。水晶簾箔萬花鈿。聽徹南樓曉箭。

鵲橋仙

夕七

雙星良夜。耕慵織懶。應被羣仙相妒。娟娟月姊滿眉顰。更無奈、風姨吹雨。相逢草草。爭如休見。重攪別離心緒。新歡不抵舊愁多。倒添了、新愁歸去。

宜男草

籬菊灘蘆被霜後。裊長風、萬重高柳。天爲誰展、盡湖光渺渺。應爲我、扁舟入手。橘中曾醉洞庭酒。輾雲濤、挂帆南斗。追舊遊、不減商山杳杳。猶有人能相記否。

又

舍北煙霏舍南浪。雲傾籬、雨荒薇漲。問小橋別後誰過。惟有迷鳥羈雌來往。重尋山水問無恙。掃柴荆、土花塵網。留小桃、先試光風。從此芝草琅玕日長。

秦樓月

窗紗薄。日穿紅幔催梳掠。催梳掠。新晴天氣。畫簷聞鶯。
都開却。小雲先在闌干角。闌干角。楊花滿地。夜來風惡。
海棠逗曉

又

珠簾狹。卷簾春

一作西

院花圍合。花園合。晝長人靜。雙雙胡蝶。

花前

苦帶金蕉葉。瞢騰午睡扶頭怯。扶頭怯。閒愁無限。遠山斜疊。

又

香羅薄。帶圍寬盡無人覺。無人覺。東風日暮。一簾花落。
西園空鎖
鞦韆索。簾垂簾卷閒池閣。閒池閣。黃昏香火。晝樓吹角。
香火疑燈火。

又

樓陰缺。闌干影臥東廂月。東廂月。一天風露。杏花如雪。
隔烟催漏
金虬咽。羅幃暗淡燈花結。燈花結。片時春夢。江南天闊。

又

浮雲集。輕雷隱隱初驚蟄。初驚蟄。鵲鳩鳴怒。綠楊風急。玉爐烟重
香羅浥。拂牆濃杏。胭脂溼。胭脂溼。花梢缺處。畫樓人立。

念奴嬌

雙峯疊障。過天風海雨。無邊空碧。月姊年年應好在。玉闕瓊宮愁寂。
誰喚癡雲。一杯未盡。夜氣寒無色。碧城凝望。高樓縹緲西北。腸斷
挂冷蟾孤。佳期如夢。又把闌干拍。霧鬢風鬟相借問。浮世幾回今夕。
圓缺晴陰。古今同恨。我更長爲客。嬋娟明夜。樽前誰念南陌。

又

十年舊事。醉京花蜀酒。萬葩千萼。一棹歸來吳下看。俯仰心情今昨。
強倚雕闌。羞簪雪鬢。老恐花枝覺。揩摩愁眼。霧中相對依約。聞道
家譙團圞。光風轉夜。月傍西樓落。打徹梁州春自遠。不飲何時歌樂。
沾惹天香。留連國豔。莫散燈前酌。襪塵生處。爲君重賦河洛。

又

吳波浮動。看中流翻月。半江金碧。醉舞空明三萬頃。不管姮娥愁寂。
指點瓊樓。憑虛有路。鯨背橫東極。水雲飄蕩。闌干千丈無力。家世
回首滄洲。烟波漁釣。一作艇。有鳴夷仙迹。一笑閒身遊物外。來訪扁舟
消息。天上今宵。人間此地。我是風前客。濤生殘夜。魚龍驚聽橫笛。

又

水鄉霜落。望西山一寸。脩眉橫碧。南浦潮生帆影去。日落天青江白。
萬里浮雲。被風吹散。又被風吹積。尊前歌罷。滿空凝淡寒色。人世
會少離多。都來名利。似蠅頭蟬翼。贏得長亭車馬路。千古羈愁如織。
我輩情鍾。匆匆相見。一笑真難得。明年誰健。夢魂飄蕩南北。

又

和徐尉
遊石湖

湖山如畫。繫孤篷柳岸。莫驚魚鳥。料峭春寒花未遍。先共疎梅索笑。

一夢三年。松風依舊。蘿月何曾老。鄰家相問。這回真箇歸到。綠鬢新點吳霜。樽前強健。不怕衰翁號。賴有風流車馬客。來覓香雲花島。似我麤豪。不通姓字。只要銀瓶倒。奔名逐利。亂帆誰在天表。

惜分飛

易散浮雲難再聚。遮莫相隨百步。誰喚行人去。石湖烟浪漁樵侶。重別西樓腸斷否。多少淒風苦雨。休夢江南路。路長夢短無尋處。

夢玉人引

送行人去。猶追路。再相覓。天末交情。長是合堂同席。從此尊前。便頓然少箇。江南羈客。不忍忽忽。少駐船梅驛。酒斟雖滿。尙少如別淚。萬千滴。欲語吞聲。結心相對。嗚咽燈火淒清。笙歌無顏色。從別後儘相忘。算也難忘今夕。

又

共登臨處。飄然

一作風。

袂倚空碧。雨捲雲飛。長有桂娥看客。簫鼓生春。

偏錦城如畫。雪山無色。一夢纔成。況天涯南北。

舞餘歌罷。料宣華

回首盡陳迹。萬里秦吳。有情應問消息。我欲歸耕。如何重來得。故人若望江南。且折梅花相憶。

如夢令

罨畫屏中客住。水色山光無數。斜日滿江聲。何處撐來小渡。休去。休去。驚散一洲鷗鷺。

又

兩兩鶯啼何許。尋遍綠陰濃處。天氣潤羅衣。病起却忺微暑。休雨。休雨。明日榴花端午。

菩薩蠻

小軒今日開窗了。揉藍染碧綠。堦草簷。佩可憐。風杏梢。烟雨紅。飄